

---

OFFERYNNAU STATUDOL CYMRU

---

**2015 Rhif 1464 (Cy. 158)**

**ADDYSG, CYMRU**

**Gorchymyn Merthyr Tydfil College Limited  
(Sefydliad Dynodedig mewn Addysg Bellach) 2015**

<i>Gwnaed</i>	-	-	-	-	<i>1 Gorffennaf 2015</i>
<i>Gosodwyd gerbron Cynulliad</i>					
<i>Cenedlaethol Cymru</i>	-	-			<i>6 Gorffennaf 2015</i>
<i>Yn dod i rym</i>	-	-			<i>31 Gorffennaf 2015</i>

Mae Gweinidogion Cymru yn gwneud y Gorchymyn a ganlyn drwy arfer y pwerau a roddwyd i'r Ysgrifennydd Gwladol gan adran 28 o Ddeddf Addysg Bellach ac Uwch 1992(1)ac a freiniwyd bellach ynddynt hwy(2).

**Enwi a chychwyn**

1. Enw'r Gorchymyn hwn yw Gorchymyn Merthyr Tydfil College Limited (Sefydliad Dynodedig mewn Addysg Bellach) 2015 a daw i rym ar 31 Gorffennaf 2015.

**Dynodi**

2. Mae Merthyr Tydfil College Limited (a gorfforwyd ar 13 Awst 2008 fel cwmni cyfyngedig drwy warant ac a gofrestrwyd gyda'r rhif cwmni 06671721), sef sefydliad addysgol o'r math a ddisgrifir yn is-adrannau (1) a (2)(d) o adran 28 o Ddeddf Addysg Bellach ac Uwch 1992, wedi ei ddynodi fel sefydliad at ddibenion yr adran honno.

1 Gorffennaf 2015

*Julie James*  
Dirprwy Weinidog Sgiliau a Thechnoleg, un o  
Weinidogion Cymru

- 
- (1) 1992 p. 13. Diwygiwyd adran 28 gan Atodlen 30 i Ddeddf Safonau a Fframwaith Ysgolion 1998 (p. 31), ac adran 143 o Ddeddf Dysgu a Sgiliau 2000 (p. 21) ac Atodlen 11 iddi. Mae diwygiadau eraill i adran 28 nad ydynt yn berthnasol i'r Gorchymyn hwn.
- (2) Trosglwyddwyd swyddogaethau'r Ysgrifennydd Gwladol o dan adran 28 o Ddeddf Addysg Bellach ac Uwch 1992 i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672). Trosglwyddwyd swyddogaethau Cynulliad Cenedlaethol Cymru i Weinidogion Cymru yn rhinwedd adran 162 o Ddeddf Llywodraeth Cymru 2006 (p. 32), a pharagraff 30(1) a 30(2)(a) o Atodlen 11 iddi.

**Statws** This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

---

## NODYN ESBONIADOL

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn dynodi Merthyr Tydfil College Limited, coleg sy'n cael ei redeg gan gwmni cofrestredig cyfyngedig drwy warant, at ddibenion adran 28 o Ddeddf Addysg Bellach ac Uwch 1992.

Mae dynodi Merthyr Tydfil College Limited yn golygu bod y sefydliad i gael ei drin fel sefydliad o fewn y sector addysg bellach at ddibenion y Deddfau Addysg (o fewn yr ystyr a roddir gan adrannau 91(1) ac 91(3) o Ddeddf Addysg Bellach ac Uwch 1992 ac adran 578 o Ddeddf Addysg 1996).

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Gorchymyn hwn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Gorchymyn hwn.